

兵部則例



兵部則例

職方清吏司

軍功

一軍功奉

旨從優議叙。康熙二十年。平定黔滇。議叙克復普安州等處各官。各功加一等。攻取重關。太平橋。走馬街等處各官。各功加三等。迎敵殺賊。及克復雲南省城各官。各功加四等。○二十一年。福建克復海壇。廈門。金門等處。議叙有功官弁。例應功加一等者。加二等。應功加二等者。加四等。餘



照等倍加○是年平定臺灣議叙官各加一級
兵各賞一次奉

旨○官兵遠抵海疆冒險勦寇非陸路用兵可比在事官
員著各再加一級兵丁著再賞一次○三十七年平
定厄魯特噶爾丹議叙大將軍三等伯奉

旨加封一等公西路官兵自叅贊以下實授官員以上
各給一雲騎尉準襲一次所有功牌仍照例分
別議叙護軍驍騎校各加一級食俸兵丁各加
賞賚西路進勦綠旗官兵自將軍提督總兵官
以下見任官各功加二等候補候選官於補官

日各功加二等陣亡各官給與卹賞陣亡兵丁
為首者贈千總第二第三贈把總各照所贈之
官給與卹賞奉

旨○綠旗官兵同滿洲大兵勦滅厄魯特在事有職任守
備以上官著給與雲騎尉○三十八年議叙中西寧

夏三路輓運軍糧各項効力人員分為四等見
任官一等者以應升官即用二等者加三級三
等者加二級四等者加一級候補候選官一等
者有闕即用二等三等四等者於補官日照等
加級其停用功加投誠及外委官一等以守禦

所千總用。二等以衛千總用。三等以營千總用。四等以把總用。降級官。一等者復還原級。以原官用。二等三等四等於補官。日照等加級。革職官。一等者復還原職。二等給六品頂帶。三等給七品頂帶。四等給八品頂帶。以上一等內有三品以上。因係大員。不便應升即用。改爲加四級。護運軍需各項。并守米牧放人員。雖非輓運可比。但既經効力。亦應議叙。見任及候補候選官。各加二級。停用功加投誠及外委官。均以千總用。其在近地輓運者。見任及候補候選官。各加

一級。停用功加投誠及外委官。均以把總用。○五十四年。駐防哈密官兵。擊敗準噶爾賊衆。議叙領兵進戰之游擊。越等以副將用。守備。越等以叅將用。千總。越等以游擊用。把總。越等以守備用。兵丁均給把總劄付。內有陣亡者。令其妻子食把總俸。○雍正元年。議叙克復臺灣官弁。各功加三等。防守淡水各官。各功加二等。防守澎湖廈門各官。各加一級。奉

旨臺灣地方自古未屬中國

皇考以聖畧神威。取入版圖。逆賊倡亂。占據臺地。

皇考籌畫精詳。指授地方官員。遣調官兵。七日之內。克復全臺。官兵感戴。

皇考教育之恩。奮勇攻取。甚屬可嘉。官員議叙之外。槩加一等。○又四川平定西藏。議叙奉

旨。西藏乃自古未至之絕域。所以

皇考曾有從優議叙之旨。此一次議叙軍功。前固無例。可援。後亦不得爲例。八旗官員。進勅之將軍等。著給與世襲三等輕車都尉。參贊大臣。給與騎都尉。副都統。營總。給與雲騎尉。護軍校。驍騎校。給一等功牌。仍加一級。綠旗官員。一等者功加一倍。二等者功加五

等。三等者功加二等。至於滿洲漢軍綠旗之外委官。皆係一體効力。無論由部委外委。槩行從優議叙。一等軍功。功加十等。二等軍功。功加五等。三等軍功。功加二等。○二年奉

旨。嗣後文官在軍前効力者。令兵部議叙。永著爲例。○五年。雲南平定威遠新平。議叙總督加二級。總兵官加二等。其餘有功官弁。一等者功加二等。二等者功加一等。三等者加一級。○又貴州平定狝苗。議叙總督加三級。提督總兵官功加三等。其餘有功官弁。一等者功加二等。二等者功

加一等三等者加一級○六年雲南平定土司窩泥議叙總督加二級提督功加二等其餘有功官弁一等者功加二等二等者功加一等三等者加一級○七年平定西海議叙將軍奉

旨封爲三等公其餘有功官弁一等者功加二等二等者功加一等三等者加一級○九年貴州平定米貼議叙有功官弁一等者功加二等二等者功加一等三等者加一級○十年貴州平定古州丹江議叙總督奉

旨封爲一等伯其餘有功官弁一等者功加二等二等

者功加一等三等者加一級○十一年雲南平

定烏蒙議叙提督總兵官各功加三等其餘有

功官弁一等者功加三等二等者功加二等三

等者功加一等○乾隆元年福建平定臺灣北

路議叙總督加三級提督功加三等其餘有功

官弁一等者功加一等紀錄二次二等者功加

一等紀錄一次三等者紀錄二次○三年貴州

平定清江議叙有功官弁一等者功加一等紀

錄二次二等者功加一等紀錄一次三等者紀

錄二次○四年湖南平定蒲寅山兇獠議叙總

督。巡撫。各加三級。其餘有功官弁一等者功加
一等。二等者紀錄二次。三等者紀錄一次。○五
年。甘肅擒獲烏爾圖水賊衆。議叙總督加三級。
其餘有功官弁一等者功加二等。二等者功加
一等。三等者加一級。○十四年。平定金川。經畧
大學士奉

旨。封爲一等公。提督封爲三等公。軍機大臣加三級。
八旗滿洲官員。一等者給一等功牌。一再給三
等功牌。二等者給二等功牌。一再給四等功
牌。三等者給三等功牌。一再給五等功牌。一

綠旗官弁。一等者功加三等。二等者功加二等。三
等者功加一等。○十七年。四川平定雜谷。議叙總
督加三級。提督功加三等。其餘有功官弁一等
者功加一等。紀錄二次。二等者功加一等。紀錄
一次。三等者紀錄三次。
一議叙八旗軍功。

國初定大兵凱旋之後。詢問統兵將帥。實叙官兵
勤勞情形。分別等第報部。由部覈實議叙。給以
功牌。有應受爵者。咨吏部授爵。應注冊者。由部
注冊。功牌之式。以紫綾爲面。用潔白厚紙。四邊

印螭文。內注明功績等次。凡填功績及年月處。鈐用部印。編次號數。覈對給發。一等功牌長二尺八寸。二等功牌長二尺四寸。三等功牌長二尺二寸。四等功牌長二尺。五等功牌長一尺八寸。各廣尺有五寸。○順治五年題準。統兵大臣。能平定地方。不使良民陷於困苦者。凱旋之日。由部議定等第升賞。其出奇制勝。遣發軍士攻城克敵者。雖未親身臨陣。亦照所得軍功等第議叙。○又題準。招撫兵千名以上。舟五十以上者。及官民未徙之完城者。統兵大臣。分別將領

及將領下遣去招撫之人。均準議叙。○八年題準。用雲梯攻克府城者。賞五人。第一人賞銀五百兩。第二人三百五十兩。第三人二百五十兩。第四人百五十兩。第五人百兩。領戰官照第二人例。指路官照第三人例。射箭官照第五人例。昇雲梯人各賞銀三十兩。攻克州城衛城者。賞四人。第一人賞銀四百兩。第二人二百五十兩。第三人百五十兩。第四人百兩。領戰官照第二人例。指路官照第三人例。射箭官照第四人例。昇雲梯人各賞銀二十兩。攻克縣城所城者。賞

三人。第一人賞銀三百兩。第二人百五十兩。第三人百兩。領戰官照第二人例。指路官照第三人例。射箭官各賞銀五十兩。昇雲梯人各賞銀十兩。用大礮攻城。不論府州縣衛所。均賞三人。第一人賞銀二百兩。第二人百兩。第三人五十兩。領戰官照第二人例。指路官照第三人例。射箭官不給賞。礮手克府城。各賞銀十有五兩。克州城衛城。各賞銀十兩。克縣所城者。各賞銀五兩。如礮手內有効力多者。酌量優賞。其掘毀城垣者。領戰官照雲梯克城第一人給賞。護軍校

驍騎校照末等給賞。効力兵丁照昇雲梯人例給賞。登城者照用大礮克城例給賞。奪門入城及無雲梯而疾走登城者。賞三人。第一人賞銀百五十兩。第二人百兩。第三人五十兩。領戰官照第二人例。指路官照第三人例。○又題準。用大礮攻城。令八旗會於一處。同時點放。叙功時。分別城之等第。照雲梯克城例減一等議叙。每大礮一位。準議叙官一人。多委者不準。每叅領下有。大礮二位以上者。叅領亦準議叙。其都統副都統及兩旁管放礮官。均準照例議叙。○又

議準凡攻城以城之大小攻之難易爲等次如城中敵兵堅守我師登雲梯艱苦攻克者爲一等敵兵擁衆統兵將帥設謀制勝士卒登雲梯攻克不甚艱苦者爲二等敵兵雖寡守禦甚堅我師艱苦攻克者爲三等敵兵既寡統兵將帥復出謀制勝士卒攻克不甚艱苦者爲四等敵兵寡弱守禦猶堅我師登雲梯艱苦攻克者爲五等一等城叙六人第一人授一等輕車都尉第二人授二等輕車都尉第三人授三等輕車都尉第四人授騎都尉兼一雲騎尉

第五人授騎都尉第六人授雲騎尉領戰官授騎都尉指路官及射箭官授雲騎尉二等城叙四人第一人授三等輕車都尉第二至第四以次遞降餘準此領戰等官與前同三等城叙三人四等城叙二人領戰官授雲騎尉指路官克兩城者授雲騎尉五等城叙一人領戰官克兩城者授雲騎尉克一城者注冊克州城者減府城一等克縣城者減州城一等衛城與州城同所城與縣城同如敵兵據寨築城我師艱苦攻克各視其寨之大小與城之等次相較議叙○

九年題準。出征委署官立有軍功。如係原官身故。及患病額闕委署者。準其議叙。額外委署者。不準。○又題準。出征軍功。凱旋之日。各令請功。如於已定等第之後。或稱前功遺亡。再行請給。或稱前次未經請給。欲俟後得功牌。並請。或稱因事耽誤者。均不準行。若果在請功之先。實係因公差遣。許統兵大臣及該管官。開具所由送部注冊。俟差竣日請功。○十四年題準。大兵所到之處。敵人掘濠排柵。列陣對敵。我師進攻。敵人堅壁不動。有於衆軍內能奮勇爭先。越衆前

驅衆軍隨進克敵者。第一人賞銀百兩。咨吏部授爵。第二人賞銀八十兩。給越衆前驅二等功牌。第三人賞銀六十兩。給三等功牌。均注冊。俟後復有越衆前驅之功。將兩次三等功牌。準作一次。二等積至兩次。二等者。咨吏部授爵。交鋒之際。有於本旗行隊之前。越衆衝鋒。本旗大隊隨進克敵者。第一人賞銀五十兩。給本旗前進一等功牌。第二人賞銀四十兩。給二等功牌。第三人賞銀三十兩。給三等功牌。俟後再有本旗前進之功。將兩次三等功牌。準作一次。二等。兩

次二等功牌。準作一次一等。積至三次一等者。咨吏部授爵。其隨隊伍進攻。或隨衆斬射。或追擊敗兵。或於敵少處進攻者。均不在給賞授爵之例。○又題準。大兵出征。如敵人掘濠排柵。列陣相持。我兵力戰不退。八旗執纛人。有能鼓勇前進者。賞銀百兩。咨吏部授爵。次進者賞銀八十兩。又次進者賞銀六十兩。如官兵前進將及十人。執纛人續進者。第一人賞銀五十兩。其餘均不給賞。若整兵對敵之時。一旗內有一叅領下執纛人在衆叅領之前首進者。賞銀五十兩。

注冊給一旗執纛首進一等功牌。俟後立功有三次一等功牌。咨吏部授爵。執纛人次進者賞銀四十兩。又次進者賞銀三十兩。如官兵前進將及十人。執纛人續進者。賞銀二十兩。餘不給賞。以上均令統兵將帥分別等第造冊送部。執纛人軍功三等以上者。準其給賞。四等以下者不準。○又題準。水戰時。有能超登敵舟。殺賊獲衆者。統兵大臣。驗明舟之大小。分爲三等。注冊一等舟賞五人。先登者賞銀二百五十兩。第二人二百兩。均咨吏部分別授爵。第三人賞銀百

五十兩給一等舟三等功牌。第四人賞銀百兩。給一等舟四等功牌。第五人賞銀五十兩。給一等舟五等功牌。均注冊。俟後復有超登一等舟戰功。將兩次五等功牌。準作一次四等。兩次四等功牌。準作一次三等。積至兩次三等者。咨吏部授爵。二等舟賞銀四百兩。先登者賞銀二百兩。移咨吏部授爵。第二人賞銀百五十兩。給二等舟二等功牌。第三人賞銀百兩。給二等舟三等功牌。第四人賞銀五十兩。給二等舟四等功牌。均注冊。俟後復有超登二等舟戰功。將兩次四等

功牌。準作一次三等。兩次三等功牌。準作一次二等。積至兩次二等者。咨吏部授爵。三等舟賞銀百五十兩。給三等舟一等功牌。第二人賞銀百兩。給三等舟二等功牌。第三人賞銀五十兩。給三等舟三等功牌。均注冊。俟後復有超登三等舟戰功。將兩次三等功牌。準作一次二等。兩次二等功牌。準作一次一等。積至兩次一等者。咨吏部授爵。其三等以下常舟。不列等次。先登者賞銀八十兩。給常舟一等功牌。第二人賞銀六十兩。給常舟二等功牌。第三

人賞銀四十兩。給常舟三等功牌。均注冊。俟後復有超登常舟戰功。將兩次三等功牌。準作一次二等。兩次二等功牌。準作一次一等。積至三次一等者。咨吏部授爵。以上超登敵舟。殺賊獲衆戰功。視舟之等次遞減。一等準其積算。如超等一等舟之第三人。後得二等舟。二等功牌。或得三等舟。一等功牌。均咨吏部授爵。餘準此。若追獲空舟。小舟及敗走之舟者。不在給賞授官之例。統兵將帥。不將先登情由。及所獲舟數。分別等次者。止照常舟例給。

賞。在舟督戰官。照第二人例。餘官照第三人例。護軍校。驍騎校等。照第四人例。均按舟論功。○又議準。出征護軍校。驍騎校。及署護軍校。署驍騎校。有一等軍功四次。復有二等三等四五等功牌。授以世爵。不足者注冊。陣亡者給一雲騎尉。○又題準。出征護軍校。驍騎校。員闕。委署者。委署官立功後。即照護軍校。驍騎校。議叙。額外委署者。不準。○康熙十二年。覆準。招撫兵千名以上。舟三十以上者。爲五等軍功。兵千五百。舟四十以上者。爲四等軍功。兵二千。舟五十以上。

者為三等軍功。兵二千五百。舟六十以上者為二等軍功。兵三千。舟七十以上者為一等軍功。兵三千五百。舟八十以上。及招撫偽王竊據之府城者。均臨時酌量從優議叙。招撫府城為一等軍功。州城為二等。縣城為三等。衛所城為四等。有名寨崖為五等。叅贊之都統。護軍統領。副都統。分發將領與將領下遣去頭目及預事各官。均準議叙。不預事者不準。○十三年題準。八旗兵丁奴僕。得過一等功牌三次者。準其開戶。

○十九年奉

旨。八旗從征奴僕。得一等功牌二次者。準其開戶。○十二年議準。官兵攻城對陣。若於敵人未動之前。先被傷退回。及敵人既敗。不行追擊者。均不準請功。○三十五年

諭。八旗官兵之家。下馬兵。及從役人等。有能踰營進擊者。作何給還本主身價。令其出戶。以示鼓勵。著集議具奏。欽此。遵

旨。議準。官兵家下馬兵。及隨役內。或於鹿角營。或於攔木營。或於列陣對敵之地。有能奮勇前驅。眾人隨後殺敵追逐者。將奮勇前驅之家。下馬兵隨

役本身及其父母妻子均著出佐領爲正戶。仍照例按人口償給伊主身價。○雍正元年議準。八旗武職立功身故者。無論功績大小。官員給七品監生一人。護軍校。驍騎校。給八品監生一人。均於子弟內充補。至病故兵丁。及委署官護軍校。驍騎校等。各給祭奠銀二十兩。再折給功牌銀五十兩。永爲定例。○四年覆準。隨從王等出征護衛各官。果有奮勇爭先。不顧身命者。令統兵大臣列叙功績。分別等第。造冊報部。照出征衝鋒官一例議叙。○十年奏準。凡軍功人員。

議叙之時。該將軍等所送戰功等第原冊。由部覈實。如立有一次戰功者。即予一次功牌。有數次戰功者。即予數次功牌。○十一年奉

旨。前年令八旗選戶下兵丁出征時。朕曾降旨。特沛恩膏。俟成功回日。將伊等妻子均於其主家中開出。作爲正戶。其各路出征人等內。有開戶分出領催驍騎。久住軍前。著有勤勞。甚屬可憫。著交各路將軍大臣等。將此等開戶領催驍騎內。如有効力出衆者。令各該大臣將姓名注冊。俟大兵凱旋之日。將伊等戶下兵丁。作爲正戶。○乾隆二年奉

旨。開戶兵丁在軍營効力。列在一等二等者。均準作爲正戶。○又奉

旨。八旗家下驍騎及家人抱養之子。既在軍營効力多年。著加恩照開戶兵丁例。均準作爲正戶。○四年奏準。八旗武職立功病故。所給監生。應按其立功之等第。以定監生之品級。嗣後出征立功。未經議叙身故者。統兵將帥。將該員立功大小。分別等第造冊送部。係一等二等軍功。給該員子弟一人監生。食七品官俸。三等四等軍功。給該員子弟一人監生。食八品官俸。準其隨旗行走。遇有應升

之處。仍照例簡選。係五等軍功。給該員子弟一人監生。照捐納監生例。準其應試。○七年奏準。出征立功人員。除例有專條者。仍照例遵行外。其餘所得戰功。應以兵數之多寡。定立功之等第。如敵兵甚衆。官兵甚少。進戰取勝。勞績最著者。爲一等軍功。敵兵甚衆。官兵畧少。進戰取勝者。爲二等。兵數相等。進戰取勝者。爲三等。官兵甚衆。敵兵畧少。進戰取勝者。爲四等。我衆敵寡。進戰取勝者。爲五等。以上所立功績。均令統兵將帥。據實分別造冊報部。由部覈明等第。給以

功牌。○又議準造報各項軍功有鋪飾謊奏者均革職如屬官謊報者將本人革職不行察明遽為轉報之該管將領降三級留任統兵大臣降二級留任如將有功之人屈抑不報無功之人冒濫開列者該管將領降二級調用統兵大臣降一級調用其造報冊籍繁多偶有遺漏者該管將領罰俸一年統兵大臣罰俸六月以上造報不實之功績應改者駁令改正遺漏者即令補造。○又議準軍前立功病故官既按功績等第分別議叙其賞給兵丁銀亦應分有差等。

嗣後兵丁及委署官員護軍校驍騎校等立功病故除照例各給祭奠銀二十兩外係一等軍功折給功牌銀五十兩二等軍功四十兩三等軍功三十兩四等軍功二十兩五等軍功十兩一議叙綠旗軍功康熙四年題準兵丁用雲梯登城分別等第授職攻克一等府城者叙五人第一人授叅將第二人授游擊第三人授都司第四人授守備第五人授千總領戰官功加四等指路官功加二等二等府城叙四人第一人授游擊第二人授都司第三人授守備第四人

授千總領戰官功加四等。指路官功加二等。三等府城叙三人。第一人授都司。第二人授守備。第三人授千總。領戰官功加二等。指路官功加一等。四等府城叙二人。第一人授守備。第二人授千總。領戰官功加二等。指路官功加一等。五等府城第一人授千總。領戰官功加一等。指路官不叙。攻克一等州城者叙四人。第一人授游擊。第二人授都司。第三人授守備。第四人授千總。領戰官功加四等。指路官功加二等。二等州城叙三人。第一人授都司。第二人授守備。第三

人授千總。領戰官功加二等。指路官功加一等。三等州城叙二人。第一人授守備。第二人授千總。領戰官功加二等。指路官功加一等。四等州城第一人授千總。領戰官功加一等。指路官不叙。攻克一等縣城者叙三人。第一人授都司。第二人授守備。第三人授千總。領戰官功加二等。指路官功加一等。二等縣城叙二人。第一人授守備。第二人授千總。領戰官功加二等。指路官功加一等。三等縣城第一人授千總。領戰官功加一等。指路官不叙。攻克一等衛所城者叙二

人第一人授守備。第二人授千總。領戰官功加二等。指路官功加一等。二等衛所城第一人授千總。領戰官功加一等。指路官不叙。若城被礮擊及剽塌。兵丁因而先登者。第一人授千總。領戰官功加二等。其內應暗取城池者不叙。○又題準。攻克府城。賞五人。第一人給銀二百五十兩。第二人二百兩。第三人百五十兩。第四人百兩。第五人五十兩。攻克州城。賞四人。第一人給銀二百兩。第二人百五十兩。第三人百兩。第四人五十兩。攻克縣衛所城。賞三人。第一人給銀

百五十兩。第二人百兩。第三人五十兩。○十一年題準。官弁加至左都督無可加之級者。紀功存案。積至八次。授一雲騎尉。○又題準。部冊有名外委人員立功。照把總議叙。○又題準。官弁將他人之功作為己功。具報者。降三級調用。○又題準。官弁造報功冊。鋪飾不實者。革職不覈。明遽題之將軍總督提督降二級留任。總兵官降三級留任。○十三年題準。兵丁攻戰之時。或敵人掘塹安柵。排設器械相敵。或大列陣勢相敵。我衆正在相持。有能於衆營中首先衝鋒前

進衆營尾後克敵者爲首人賞銀五十兩授守備第二人賞銀四十兩授千總第三人賞銀三十兩授把總遇該省有關準其先用若齊力交鋒之際有能於本營中衝鋒前進本營尾後克敵者爲首人賞銀三十兩授千總第二人賞銀二十兩授把總遇該營有關準其先用○又題準兵丁若遇水戰有能超登敵舟殺賊得獲者驗明舟之大小分爲三等一等舟爲首人賞銀百兩授都司第二人賞銀八十兩授守備第三人賞銀六十兩授千總第四人賞銀四十兩授

把總領戰官加三級同戰官加二級二等舟爲首人賞銀八十兩授守備第二人賞銀六十兩授千總第三人賞銀四十兩授把總領戰官加二級同戰官加一級三等舟爲首人賞銀六十兩授千總第二人賞銀四十兩授把總領戰官加一級同戰官紀錄一次其授官者均照銜準其先用如係空舟小舟及敗走之舟不用此例○十四年題準部冊無名外委人員初次立功酌量獎賞將姓名報部注冊後又立功照部冊有名人員例議叙○十七年題準礮手捕盜人

等。超登敵舟。殺賊得獲。照兵丁議叙。若放礮打沉賊舟者。一舟賞銀二十兩。二舟賞銀四十兩。給與把總劄付三舟賞銀六十兩。給與千總劄付。如有多者。照此給賞。給劄。○又題準。見任官。有陸續招撫偽官兵及難民者。準合并議叙。招撫偽官兵五百名以上。或一等舟五艘以上。二等舟十艘以上。三等舟二十艘以上。或難民二千名以上者。紀錄一次。招撫偽官兵二千名以上。一等舟十艘以上。二等舟二十艘以上。三等舟四十艘以上。難民五千名以上者。文職加一

級。武職功加一等。招撫偽官兵四千名以上。一等舟十五艘以上。二等舟三十艘以上。三等舟六十艘以上。難民萬名以上者。文職加二級。武職功加二等。招撫偽官兵六千名以上。一等舟二十艘以上。二等舟四十艘以上。三等舟八十艘以上。難民萬五千名以上者。文職加三級。武職功加三等。招撫偽官兵八千名以上。一等舟二十五艘以上。二等舟五十艘以上。三等舟百艘以上。難民二萬名以上者。文職加四級。武職功加四等。招撫偽官兵萬名以上。一等舟三十

艘以上。二等舟六十艘以上。三等舟百二十艘以上。難民二萬五千名以上者。文職加五級。武職功加五等。數多者照此遞加。候選文武官進士。舉人。貢監生。武生。能照此例招撫者。均於補官日照數紀錄加級。至文生員招撫偽官兵五百名以上。一等舟五艘以上。二等舟十艘以上。三等舟二十艘以上。難民二千名以上。送禮部移咨國子監讀書。招撫偽官兵二千名以上。一等舟十艘以上。二等舟二十艘以上。三等舟四十艘以上。難民五千名以上者。授爲功貢。免其

坐監。以州同州判考定即用。數多者照數加級。効用人員。招撫偽官兵五百名以上。一等舟五艘以上。二等舟十艘以上。三等舟二十艘以上。難民三千名以上。係部冊有名者。文職授爲正九品。武職給與千總劄付。部冊無名者。文職授爲從九品。武職給與把總劄付。如數多者。照數加級。不及數者。不準議叙。酌量獎賞。其發遣招撫之官。招撫偽官兵五千名以上。一等舟十五艘以上。二等舟三十艘以上。三等舟六十艘以上。難民萬名以上者。紀錄一次。招撫偽官兵萬

名以上。一等舟三十艘以上。二等舟六十艘以上。三等舟百二十艘以上。難民二萬五千名以上者。加一級。多者照數加級。○雍正元年

諭進藏及克復臺灣有功官弁其見在者已邀恩議叙。惟身故者未得議叙同為國家立功之人乃以身故之後不得均霑恩卹朕心深為憫惻爾部即酌加議叙著為定例以副朕褒錄有功之至意欽此遵

旨議準文武官出征立功未及議叙身故者統兵官按立功大小分別等第造冊送部係一等二等軍功給一子監生遇把總員闕該督撫簡選拔補

三等四等軍功給一子監生遇外委把總員闕該督撫簡選拔補五等軍功給一子監生或願應試或願隨營食糧各聽其便○五年議叙進藏有功之人內有武舉武生俊秀自備鞍馬口糧隨營効力請

旨分別錄用奉

旨此項功加武舉武生俊秀人等既經効力有不宜於武職者酌量以文雜職用○又奉

旨隨軍効力之人往往有未諳營伍而具呈願往濫邀議叙者其自備鞍馬之人若後來力量不足必致遲

誤及遲誤之後又不便與衆一例治罪於軍前殊屬無益嗣後若有自備鞍馬願往効力之人槩不準行

○七年奉

旨凡有出兵加恩之案其中若有應行駁詰者止將應駁之人扣除俟覆覈明白補議不得因一二人行詢而稽遲衆人應得之卹典將此永著爲例○乾隆五年

諭朕覽兵部纂修則例內稱從前進藏出兵之官兵及受傷病故官兵所有預借銀免其追還係出自特恩未便纂爲成例等語朕思兵丁捐軀行間情

實可憫其預借銀理應豁免若必待特降諭旨恐其中不無一二遺漏著爲定例凡遇有此等事件該部即援例請免則恩卹之典可垂永遠矣欽此

○六年奏準將軍總督提鎮等將有功之人屈抑不報及將無功之人冒濫開列者將軍總督提督降一級調用總兵官降二級調用若冊籍繁多偶有遺漏者將軍總督提督罰俸六月總兵官罰俸一年其造報不實者令其改正遺漏者令其補造○又奏準官弁報功該上司必須詳覈始爲轉報若有借名生事殺傷良民捏以

殺賊爲功具報者革職提問轉報之上司革職
總兵官降二級調用將軍總督提督降一級留
任○又議準立功官弁除登城前進躍舟例各
載有授職給賞者仍照例議叙外其餘軍營立
功之人一等者功加一等紀錄二次二等者加
一級紀錄一次三等者紀錄三次四等者紀錄
二次五等者紀錄一次其文職應加一等者加
一級若奉

旨從優議叙由部臨時按其勞績大小酌量議叙○
十八年議準軍功議叙官弁向例按等次加銜

推升時照京俸一年作年半算今既將加銜刪
除係幾等軍功即將幾等入於劄付之內仍照
京俸升轉○十九年覆準向例官弁加至左都
督者記功積至八次授一雲騎尉今既刪去加
銜嗣後提督有功加十等總兵官有功加十二
等至千總有功加二十四等皆準給一雲騎尉
其餘各官所有功次均照此積算

